



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De interna conuersatione. Cap. I.

[urn:nbn:de:hbz:466:1-45790](http://urn.nbn.de/hbz:466:1-45790)

LIBER SECUNDVS

Admonitiones continet ad interna trahentes.

CAPITA LIBRI SECUNDI.

- D**E interna conuersatione.
De humili submitione.
De bono pacifico homine.
De pura mente & simplici intentione.
De propria consideratione.
De latitia bona conscientia.
De amore Iesu super omnia.
De familiaris amicitia Iesu.
De carentia omnis solatij.
De gratitudine pro gratia Dei.
De paucitate amatorum crucis Iesu.
De regia via sancta Crucis.

Cap. I
II
III
IV
V
VI
VII
VIII
IX
X
XI
XII

C A P V T I.

De interna conuersatione.

Regnum Dei intra vos est, dicit Dominus. Converte te ex to-
to corde ad Dominum, & relinque hunc miserum mundū, Luce 17.
Joel 2.
& inueniet anima tua requiem. Disce exteriora contemnere, &
ad interiora te dare, & videbis regnum Dei in te venire. Est enim Rom. 14.
regnum Dei pax & gaudium in Spiritu sancto, quod non datur
impiis. Veniet ad te Christus, ostendens tibi consolationem suā,
si dignam illi ab intus paraueris mansionem. Omnis gloria eius Psal. 44.
& decor ab intra est, & ibi complacet sibi. Frequens illi visitatio
cum homine interno, dulcis sermocinatio, grata consolatio, mul-
ta pax, familiaritas stupenda nimis.

2. Eia anima fidelis, præpara huic Sponso cor tuum, quatenus
ad te venire & in te habitare dignetur. Sic enim dicit: *Si quis di-* Ioan. 14.
*ligit me, sermonem meum seruabit, & ad eum venientius, & man-
sionem apud eum faciemus.* Da ergo Christo locum, & cæteris omni-
bus nega introitum. Cum Christum habueris, diues es, & sufficit
tibi. Ipse erit prouisor tuus, & fidelis procurator in omnibus, ut
non sit opus in hominibus sperare. Homines enim citò mutantur,
& deficiunt velociter, Christus autem manet in æternum, & astat Ioan. 12.
usque in finem firmiter.

3. Non est magna fiducia ponēda in homine fragili & mortali, Hier. 17.
etiamq;

DE Imitatione Christi
etiam si utilis sit & dilectus: neque tristitia multa ex hoc capientur, da, si interdum aduersetur & contradicatur. Qui hodie tecum sunt, cras contrariari possunt, & è conuerso, sàpè ut aura vertuntur. Pone totam fiduciam tuam in Deo, & sit ipse timor tuus & amor tuus. Ipse pro te respondebit, & faciet bene sicut melius fuerit. Non habes hìc manentem ciuitatem, & vbiunque fueris, extraneus es & peregrinus; nec requiem aliquando habebis, nisi Christo intime fueris vnitus.

4. Quid h̄ic circumspicis, cūm iste non sit locus tuæ requie-
tis. In cælestibus debet esse habitatio tua, & sicut in transitu cun-
cta terrena sunt aspicienda. Transcunt omnia, & tu cum eis par-
ter. Vide, vt non inh̄eras; ne capiaris, & pereas. Apud Altissimi
sit cogitatio tua, & deprecationis tua ad Christum sine intermissione
ne dirigatur. Si nescis speculari alta & cælestia, requiesce in pa-
siōne Christi, & in sacris vulneribus eius libenter habita. Si enim
ad vulnera & pretiosa stigmata IESV deuotè configis, magnam
in tribulatione confortationem senties: nec multum curabis ho-
minum despectiones, faciliterque verba detrahentia perfieres.
5. Christus fuit etiam in mundo ab hominibus.

5. Christus fuit etiam in mundo ab hominibus despctus, & in maxima necessitate à notis & amicis inter opprobria derelictus; Christus pati voluit & despici, & tu audes de aliquo conqueri? Christus habuit aduersarios & obloquutores, & tu vis omnes habere amicos & benefactores? Vnde coronabitur patientia tua, si nihil aduersitatis occurrerit? Si nihil contrarium vis pati, quomodo eris amicus Christi? Sustine te cum Christo, & pro Christo, si vis regnare cum Christo.

6. Si semel perfectè introfisses in interiora Iesu, & modicum de
ardente amore eius sapuisses: tunc de proprio commodo vel in-
commodo nihil curares, sed magis de opprobrio illato gauderes,
quia amor Iesu facit hominem scipsum contemnere. A mator le-
su & veritatis, & verus internus & liber ab affectionibus inordi-
natis, potest se ad Deum liberè conuertere, & eleuare se supra
scipsum in spiritu, ac fruitiè quiescere.

7. Cui sapient omnia, prout sunt, non ut dicuntur aut estimantur, hic verè sapiens est, & doctus magis à Deo, quam ab hominibus. Qui ab intra scit ambulare & modicum ab extra res pondere: non requirit loca, nec expectat tempora, ad habenda deuota exercitia. Homo internus citò se recolligit, quia nunquam se totum ad exteriora effundit. Non illi obest labor exterior, aut occupatio ad tempus necessaria: sed sicut res eueniunt, sic se illis accommodat. Qui intus bene dispositus est & ordinatus, non curat mirabiles & peruersos hominum gestus. Tantum homo impeditur & distrahitur, quantum sibi res attrahit.

8. Si

8. Si recte tibi esset, & bene purgatus essemus, omnia tibi in bonum cederent & profectum. Ideo multa tibi displaceant & saepe conturbant, quia adhuc non es tibi ipsi perfecte mortuus, nec segregatus ab omnibus terrenis. Nil sic maculat & implicat cor hominis, sicut impurus amor in creaturis. Si renuis consolari exteriori, poteris speculari caelestia, & frequenter iubilare interiori.

CAPVT II.

De humili submissione.

1. **N**on magni pendas, quis pro te vel contra te sit: sed hoc age *Ibidem.*
& cura, ut Deus tecum sit in omni re, quam facis. Habeas *1. Cor. 4.*
conscientiam bonam, & Deus bene te defensabit. Quem enim *Psal. 27.*
Deus adiuuare voluerit, nullius peruersitas nocere poterit. Si tu
scis tacere & pati, videbis procul dubio auxilium Domini. Ipse
nouit tempus & modum liberandi te, & ideo te debes illi resigna-
re. Dei est adiuuare, & ab omni confusione liberare. Sæpe valde
prodest ad maiorem humilitatem seruandam, quod defectus no-
strorum alij sciunt, & redargunt.

2. Quando homo pro defectibus suis se humiliat, tunc faciliter *Jacob. 3.*
alios placat, & leuiter satisfacit sibi irascentibus. Humilem *Iob 3.*
Deus protegit & liberat; humilem diligit & consolatur: humili *Matt. 11.*
homini se inclinat: humili largitur gratiam magnam, & post eius
depressionem levat ad gloriam. Humili sua secreta revelat, & ad
se dulciter trahit & inuitat. Humilis accepta confusione, satis
bene est in pace; quia stat in Deo, & non in mundo. Non reputes
te aliquid profecisse, nisi omnibus inferiorem te esse sentias.

CAPVT III.

De bono pacifico homine.

1. **T**unc te primò in pace, & tunc poteris alios pacificare. Ho-
mo pacificus magis prodest, quam bene doctus. Homo pas-
sionatus etiam bonum in malum trahit, & faciliter credit. Bonus
pacificus homo omnia ad bonum conuertit. Qui bene in pace
est, de nullo suspicatur. Qui autem male contentus est & com-
motus, variis suspicionibus agitatur, nec ipse quiescit, nec alios
quiescere permittit. Dicit saepe, quod dicere non deberet; &
omittit, quod sibi magis facere expediret. Considerat, quod alij *1. Cor. 13.*
facere tenentur; & negligit, quod ipse tenetur. Habe ergo primo
zelum super teipsum, & tunc iuste zelare poteris etiam proximi-
num tuum.

2. Tu bene scis facta tua excusare & colorare, & aliorum excusa-
tionem